



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : 大角嘴天主教小學
學校名稱 : TAI KOK TSUI CATHOLIC PRIMARY SCHOOL
Name of Play 劇名 : 消失的仙子
Script writer 劇作者 : 王君傑導師

Synopsis 故事大綱:

嘉嘉深信人性是善良的，她為免大判官懲罰人類，她決定冒生命危險到人間尋找一位心地善良的人，但可惜她到了皇宮中，發現無論公主還是賓客們都會為了自己利益，做出傷害別人的事來。因此，她的生命指數不斷下降，直到她遇到了愛莉，令到嘉嘉看到一絲曙光，究竟她會完成任務，還是會消失在這個世界？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 爭辯	
人物：嘉嘉，莎莎，大判官，其他小仙子。	
地點：天界的某一處	
(所有小神仙出來，站在舞台的兩旁，中間出現了一位判官，他們正要通過一項律法)	
(兩旁的小仙子不斷在討論，很嘈吵)	
大判官：	(搖一下手上的鈴子)眾仙子，請你哋肅靜！好嘞，依家我哋進行今日最後一項事務嘅投票。
嘉嘉：	大判官，(緊張地)我認為呢一條律法係唔可以通過架！
(所有小神仙出來，站在舞台的兩旁，中間出現了一位判官，他們正要通過一項律法)	
(兩旁的小仙子不斷在討論，很嘈吵)	
大判官：	(搖一下手上的鈴子)眾仙子，請你哋肅靜！好嘞，依家我哋進行今日最後一項事務嘅投票。
嘉嘉：	大判官，(緊張地)我認為呢一條律法係唔可以通過架！
大判官：	嘉嘉，未到你發言，請你尊重法庭！
莎莎：	判官大人，依家嘅人類世界，實在有太多自私自利嘅人，佢哋仲為咗利益去傷害其他人，引起好多罪惡。
大判官：	(查看手上的檔案)根據我嘅紀錄，大部份嘅人類都係無愛心，唔肯幫助人，而且一啲惻隱之心都無。
莎莎：	大判官，我建議要懲罰呢啲自私自利嘅人類！
大判官：	只要人類得到應得嘅懲罰，佢哋先唔會再犯錯。
嘉嘉：	我反對，我相信人類本質係善良架！
莎莎：	善良？！
嘉嘉：	佢哋自私，只係一時大意，佢哋唔係有心咁做！
(眾仙子在大笑)	
大判官：	肅靜，依家進行投票！同意通過法例嘅仙子請舉手！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 - 自私的公主

人物：娜娜公主，僕人愛莉，皇后卡斯馬，嘉嘉，其他傭人，賓客

地點：皇宮

（這是娜娜公主的畢業禮慶典，所有賓客都載歌載舞，為她慶祝）

（音樂入，公主和皇后在舞台的中央起舞，其他嘉賓也在翩翩起舞）

皇后：各位，好榮幸大家出席我愛女娜娜嘅畢業感謝祝酒會，希望大家玩得盡興一啲。

眾賓客 2：好呀！

賓客一：聽講公主嘅成績係全個國家最好架！真係可喜可賀！

公主：太過獎！

賓客二：今日咁高興，不如公主即席唸一首詩俾我哋聽吓啦。

賓客 1：好主意！（大家拍手）

公主：我……（緊張地，念不出來）等我諗吓邊首詩先！

皇后：是旦一首都可以啦，你今次文學研究科仲擺到傑出成績獎嘞！

賓客二：咁一定難唔到你啦。

公主：（扮肚子痛）哎咗，我突然好唔舒服呀。（跌倒在地上）

皇后：你無事咁嘛？

公主：一定係頭先食咗啲唔乾淨嘅嘢！

皇后：豈有此理，邊個僕人俾啲唔乾淨嘅嘢我個寶貝女食！？

愛莉：我哋無呀！

公主：呀，依家又無咁痛，我入房休息一陣就無事架嘞！

皇后：愛莉，帶公主入房。

愛莉：係，皇后。

（愛莉走到公主身邊，扶起她）

賓客一：真係可惜嘞！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

賓客二：	真係好想聽公主唸詩囉！
皇后：	（尷尬地）唔緊要，各位親愛嘅貴賓，不如我哋去後花園賞花啦。
（帶賓客離場）	
公主：	愛莉（悄悄地）我頭先係扮肚痛係咪扮得好似呢！？
愛莉：	我都估到你又係講大話嘞……不過，頭先你咁講，一定會累到我哋班姊妹受罰。
公主：	罰你哋之嘛，好過俾所有嘉賓知道我唔識唸詩呀！
愛莉：	公主：好少事之嘛！最多一日無飯食啫！
愛莉：	仲有，你考試作弊，對其他人都好唔公平……
公主：	（萬分驚恐）你想死咩？（望四周，沒有人）俾人知道呢件事，後果好嚴重架……
愛莉：	我只係講事實啫……
公主：	仲講！仲唔扶我入房！
（愛莉扶她，公主繼續扮肚痛離開）	
公主：	哎吔……
（指數下跌的音效，嘉嘉慢慢出來）	
嘉嘉：	慘嘞，原來莎莎講得無錯……依家我嘅生命指數不斷下降緊，估唔到真係有好多人會為自己嘅利益去傷害其他人！
（兩賓客出，嘉嘉躲在一旁）	
嘉嘉：	慘嘞，原來莎莎講得無錯……依家我嘅生命指數不斷下降緊，估唔到真係有好多人會為自己嘅利益去傷害其他人！
賓客 1：	你估我真係好想嚟呢度咩！仲要喺皇后面前陪笑！
賓客 2：	哇，你份人都幾虛偽，頭先笑得最大聲個個係你喎！
賓客 1：	我唔咁做，點可以得到皇后嘅歡心喎！
賓客 2：	你都係想喺皇后身上擺著數啫！
賓客 1：	你夠係啦。
（老工人經過，不小心把盤子上的東西跌倒）	